



1. Գնում էր Պետրոսը ճամփով քարքարոտ,  
ճամփան շատ երկար էր, ճամփան էր փշոտ.

«Տէր, ողորմիր, ուժ տուր ոտքերիս,  
Տէր, ողորմիր, հասնեմ իմ հոտին,  
Քանզի ծարավ են մարդիկ Քո ջրին,  
Տէր, ինձ ողորմիր, ուժ տուր ոտքերիս:

2. Հալածում են մարդիկ, չունեմ ես դադար,  
Տէր, քարոզում եմ Քո խոսքերը արդար,  
Տէր, ասացիր՝ նմանվիր դու ինձ,  
Տէր, ասացիր՝ խաչդ վերցրո՛ւ,  
Ե՛կ իմ հետևից, իմ ճամփան է ճիշտ:  
Տէր, Դու ողորմիր, ուժ տուր ոտքերիս:

3. Երկար ես քայլեցի, շատ տառապեցի,  
Բայց Քո ճանապարհից ես չշեղվեցի:  
Տէր, տանում են ահա խաչելու,  
Անարժանիս խաչին գամելու,  
Թող որ ինձ խաչեն, խաչեն գլխիվայր,  
Տէր իմ, Քո փառքով Դու ինձ երկինք տար»: